

增訂格古要論

上海自強書局印行

新增格古要論卷之十一

雲間曹昭 明仲著

雲間舒敏 志學編校

吉水王佐 功載校增

新黃正位 黃叔重校

雜考上

玉璽考

王 佐

通鑑綱目漢光武建武三年春正月馮異大破赤眉劉盆子降
得傳國璽綬慈湖王幼學集覽云璽王者印也綬帶也所以繫
璽黃赤綬四彩武都紫泥封盛以青囊白素裏兩端無縫尺一
版中約署衛宏曰秦以前以金銀為方寸璽秦始皇得楚和氏
璧乃以玉為之螭獸紐在六璽之外李斯書之其文曰受命于

天既壽永昌秦王子嬰以獻于漢高帝謂之傳國璽王莽篡逆使安陽侯王舜迫王太后求之太后怒罵而不與舜言益切后出璽投之地璽因歸莽莽敗王憲得之李恻入長安斬憲取璽送上更始更始降赤眉樊崇等立劉盆子盆子以璽綬奉上光武至獻帝時董卓作亂掌璽者投諸井富春孫堅入洛討卓軍於城南見井中有五色光浚井得璽袁術僭逆乃拘堅妻奪之時廣陵刺魚徐璆徵詣京師道為術所劫後術死璆得璽還以上獻帝於許昌時建安四年己卯夏也漢以禪魏文帝魏以禪晉武帝前趙主劉聰使劉曜入洛陽執晉懷帝取璽詣平陽獻聰後為後趙石勒所并璽乃歸勒勒為魏冉閔所滅璽屬閔閔敗璽存其大將軍蔣幹求救于晉征西將軍謝尚尚使其將戴施據枋頭遂入鄴助守給幹得璽以還建康時東晉穆帝永和

八年壬子也

佐按自璽寄於劉石凡五十五年而晉復得之是後宋齊梁相繼傳之梁元帝承聖元年壬申夏四月盜竊梁傳國璽歸之北齊蓋侯景得之景死其侍中趙思賢棄之草間至廣陵以告郭元建元建取以送鄴後周併北齊而得之隋文帝滅後周而得璽唐滅隋璽歸太宗後梁朱溫篡唐而得之後唐莊宗平亂入洛而得璽明宗嗣立傳至從珂後晉主石敬瑭舉兵入洛陽從珂携璽登玄武樓自焚死時清泰三年丙申十一月也自是璽不知所在契丹從後晉出帝求之不可得蓋璽之已後唐清泰丙申至宋太祖建隆元年庚申凡二十五年自宋建隆庚申至宋哲宗元符元年戊寅又一百三十九年而宋復得璽於咸陽又自宋元符戊寅至宋欽宗靖康二年丁未凡二十九年而璽沒入金虜南

宋一百五十一年無璽明矣元世祖平宋凡十六年亦不得璽
至至元三十一年甲午正月始得璽于太師國王之孫拾得之
妻脫脫真縈家成宗即位而元始得璽矣成宗元貞元年乙未
至順帝至正二十七年丁未凡六十三年爾璽隨順帝北歸矣
秦別有一璽其文曰受天之命皇帝壽昌

或云隋煬帝蕭后與孫政道并傳國璽奔入突厥唐太宗即位
自製一璽其文曰皇帝景命有德者昌貞觀四年庚寅蕭后與
政道自突厥奉璽來歸唐始得璽焉

宋哲宗祥符元年戊寅正月得秦玉璽於咸陽

咸陽縣民段義在於河南鄉到銀村修舍得古玉印有光照
室其文曰受命于天既壽永昌上之於朝詔蔡京等辨驗以
為秦璽遂命曰天授傳國受命寶夏五月受寶于大慶殿赦

六月改元元符

宋徽宗崇甯五年丙戌冬十二月得鎮國寶

有以玉印六寸龜紐獻者其文曰承天福延萬億永無極凡九字詔名鎮國寶明年改元大觀

大觀二年戊子春正月壬子朔受八寶于大慶殿

時得良玉 帝命作六寶曰皇帝之寶曰皇帝行寶曰皇帝信寶曰天子之寶曰天子行寶曰天子信寶以合秦制天子六璽之數與受命寶鎮國鈿通曰八寶

政和七年丁酉秋七月作定命寶

重和元年戊戌正月受定命寶于大慶殿赦時得于闐大玉踰二尺色如截肪帝命製為寶其文曰範圍天地幽贊神明保合太和萬壽無疆凡十六字篆以魚蟲製作之工幾於秦

聖號曰定命寶合前八為九寶詔以九寶為稱以定命寶為首且曰八寶者國之神器至於定命寶乃我所自製也

宣和四年壬寅春正月遼主延禧殺其子晉王教盧幹遂走雲中遺玉璽于桑乾和

通鑑續編注云秦以藍田玉作傳國寶六面螭紐魚鳥篆文漢文太后投之殿階螭角微玷至魏文帝曹丕得之隸刻肩際曰大魏受漢傳國之寶至石晉歸之遼

欽宗靖康二年丁未夏四月庚申金粘沒喝退師二帝及后宮北遷凡八寶九鼎圭璧等物為之一空元世祖至元二十一年甲午春正月八日世祖崩三十日得傳國璽進箋

御史中丞崔彧進傳國璽牋曰臣番直宿衛御史臺通事潤木即衛告曰太師國王之孫同知通政院事拾得今既沒

矣家計蜜極其妻脫脫真索病一子甫九歲托以玉見質以
供朝夕之給及出乃玉印也及回家私視之色素綠而玄光
采射入其方可黍尺四寸厚及方三之不足背紐盤螭四厭
方際紐盡璽璵音之上取中道一橫竅音歟可徑二分舊貫

以韋條面有篆文八刻畫捷徑位置勻通皆若蟲鳥魚龍之
狀別其彷彿有若命字若壽字者心益驚駭急召監察御史
楊桓至辨其文曰命受于天既壽永昌曰此傳國璽文也因
直超青官同詹事王慶端等進獻皇太妃徽仁裕聖皇后前
啟曰此古傳國璽也秦以和氏璧所造厥後有天下者寶之
以君萬國然自前代失之久矣今當宮車晚出諸大臣僉議
迎請皇太孫成宗龍飛之時不求而見此乃天示其瑞應也
宜早達於皇太孫行殿以符靈貺翼日賜收玉之家楮幣二

千五百貫或等及進辦寶者三人衣段各一表裏紋金綺素
有差中書石丞相完澤率集賢翰林侍從諸臣入賀命出寶
璽徧示羣臣翰林學士董文用等前啟曰此誠神物出當其
時若非皇太妃皇太孫聖感何以臻此丞相以下臺臣等次
第上壽自是內外稱慶咸曰天命有歸云謹將寶璽之出處
古今始末詳據考證按許慎說文璽王者印也以守此土故
為文從爾從土其義蓋曰天付爾此器俾寶之以守爾土也
至周大史摛易為從爾從王義取天付爾此寶以為天下君
也三代以上璽文無所考考諸史藉并寶璽篆文圖說曰傳
國璽方四寸其文飭如前秦始皇得楚卞和之璞命李斯篆
其文王工孫壽刻之太平御覽又以為藍田玉所刻子嬰秦
璽以降沛公高祖即位因世傳之謂為傳國璽云此宋齊

下見前

宋齊

梁陳相傳以至於隋滅陳而得璽隋末蕭后與太子正道并傳國璽並入於突厥唐太宗即位寶璽未獲乃自刻玉曰皇帝景命有德者昌貞觀四年蕭后與正道自突厥奉璽歸於唐太宗始得璽焉朱溫篡唐璽入於溫莊宗定亂璽入後唐明宗嗣立再傳養子從珂是為廢帝石氏篡立從珂自焚死是璽不知所在至宋哲宗咸陽氏段義獻玉璽及徽宗為金所虜凡有寶璽金皆取之內璽一十有四青玉傳國璽一其色與金所獻玉璽相同則知宋之南遷二百年無此寶璽也明矣然自金既取於宋之後寶璽出處得失亦未見有明說以及我元適集皇太孫寶所歸之際應期而出臣職總御史親會盛事不可以不錄又圖中別有一璽其文亦入旁注曰此傳國璽背文也今見寶璽之背皆刻螭形盤屈凸凹

上鳥交切

下他骨切

不齊徧壓四際無地可置此文又按太平御覽晉秦

光十九年雖州刺史却恢表慕容永稱藩奉璽方六寸厚

七分蟠螭為鼻今高四寸六分四邊龜文有字曰受天之命

皇帝壽昌原其所由未詳其始以斯言之當別是秦一璽非

今傳國璽也此又不可不辨臣或誠惶誠恐頓首稽首謹奉

牋上進以聞伏希聽覽臣或不勝瞻望之至謹言

此文乃楊桓所撰

皇太妃即徽仁裕聖皇后太孫之母也

皇太子名鐵木耳太子真金之子世祖之嫡孫易為成宗

楊桓字武子兗州人紐警悟博覽羣籍精篆籀之學由儒學教

授任監察御史秘書少監官至國子司業以卒

濶濶術拓跋氏任御史臺通事成宗即位近臣以璽事聞授漢

中道廉訪司僉事官至湖廣廉訪使以卒拾得禮刺氏國王速


渾察之子太師國王某之孫任同知通政院事

崔或字某任御史中丞御史大夫 完澤元賢相


已上俱見宋薛尚功所編歷代鐘鼎彝器款識法帖碑本第十八卷內璽文模勒于前以備博古者之一覽云

尚功云二璽文本只一器緣傳墓字畫不同形制大小有異因荆玉刻之非疑以傳疑之意也


傳國璽



向巨源本
受命于天
既壽永昌



蔡仲平本
 受命于天
 既壽永昌



畢景儒本

受命于天

皇帝壽昌

其文玄妙淳古無
過於此雖龍飛鳳
翥不足以擬其勢
摹印之祖也
已上俱秦璽

天順三年春正月

日王佐記

金書鐵券考

王佐

漢高帝平定天下即剖符封功臣上者王次者侯及赦淮陰侯十二年又大封功臣百四十有三人為侯大侯不過萬家小侯五六百戶於是申以丹書之信重以白馬之盟始作鐵券其內鏤字以金塗之故名曰金書鐵契其封爵之誓有曰使黃河如帶泰山若礪國以永存爰及苗裔作金匱石室藏之宗廟又作元功十八侯位次

見高帝紀及功臣表首

歷代因之以賜功臣

送錢允一還天台序

宋景濂

皇帝即位之二年秋八月大將軍帥師取燕都西北州郡次第皆平而天下歸于一統越明年之冬

上將親御袞冕郊祀 天地大告武成復念開國諸臣勞烈之

多錫以鐵券以申河山帶礪之誓前一月下禮官議其制度近臣奏言唐和陵時嘗有賜於錢武肅王鏐其十五世孫尚德寶寶藏之上遣使者即其家訪焉尚德奉詔續券及五王遺像上之上御外朝與丞相宣國功臣善長禮部尚書臣亮主事臣肅觀之皇情悅豫策省臣宴尚德于儀曹恩意有加焉已而尚德東歸陞辭之日命還其券與像以禮敦遣之子時待罪禁林尚德以予知其事請序其故而繫之以詩夫錢氏寶有此券也五百載宋淳化中杭州守臣嘗連玉冊進之元豐五年又進之宋季兵亂券沉官渭水中者五十六年元至順二年漁人獲之售於尚德之父世珪迄今

有道之朝而尚德又進之是嘗三登天子之庭其間或顯或晦雖若類靈物呵護之亦其孫子之多賢始能保守而弗墜也